

(19) Illustrissimo Celeberrimoqve Viro
 Carolo v. Linné Eqv.
 S. P. D.
 Petrus Ascanius

Per aliquot annos Itinera dum feci in variis Daniæ Provinciis, Regio Mandato, observationes mineralogicas et oeconomicas principem quidem finem habui, pictore ut plurimum destitutus.

Interim circa Metropolim, ubi Copia pictoris facilior, variorum, præcipue piscium, figuras collegi, ex hisce natus est Libellus Iconum primus, quem Tibi, Vir celebr., officiosissime adjectum offero.

Nam ad Hist. nat. perfectionem facilior et certior mihi videtur via, si quis propriam sumserit Partem, propriam Provinciam, alienis sepositis, ita nata est Flora Tua et Danica Oederi.

Has inter Icones duas piscium novas species Labri nempe et Gadi, avium totidem, invenies Tringæ ferruginæ descriptionem, me inscio, ad Te misisse Dⁿ König, video, Islandica quidem appellari queat, sed ex observationibus Dⁿⁱ Teilmanni didici illam magna copia in septentrionali Iutia habitare, et varietatem griseam esse illius, vestitum primi anni uti in multis aliis avibus, ita sententia Islandorum confirmata est.

Reditu nupero Dⁿⁱ Niebuhr finita tandem est missio nostra arabica. Societas hæc Literaria minus bene quidem ab initio composita fuit, hinc dissensio et adversa fortuna. In Egypto multo dispendio varia quidem observata et collecta fuere, sed eadem adversa fortuna domum missa, paucissimis servatis. Post adventum in Iemen Arabiæ, destinationis proprium Locum, ubi sani adventarunt omnes, pestifera quasi tabes totam invasit Societatem quæ, si mathematicos Gallorum exceperis, majori sumptu et adparatu nusquam instituta fuerit. In parte mathematica multa tamen à Niebuhrio speramus. In colligendis rebus naturalibus, maxime marinis, præter B. Forskålum, spartam suam bene implevisse Kramerrum, ex Sarcinis, quas jam lustro, invenio, quem in finem